

## Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi  
Ad Thermas Cardinalis Presbyteri Opera Quotquot  
hactenùs separatim edita fuerê Omnia**

**Bona, Giovanni**

**Antverpiae, 1677**

§. 18. Oratio ad B. Virginem.

**urn:nbn:de:hbz:466:1-10805**

te ad eā prosequenda totā virtute incumbam.  
Fac me dignum sacris Altaribus Ministrum,  
meque torrente tuae voluptatis inebria, ut cæ-  
lesti suavitate in hac divinissima mensa degusta-  
tā, nihil venenacē mundi dulcedinis libeat  
amplius degustare. Imbuat me, & perficiat  
septiformis Spiritus tuus, & ad illum scientiæ  
gradum fac me pertingere, ad quem pervenit  
Apostolus tuus, cūm dicebat se nihil scire,  
nisi Christum, & hunc crucifixum. Robo-  
retur infirmitas mea fortitudine tuā, vincat bo-  
nitas tua malitiā meam, & deformitas mea  
tuā pulchritudine decoretur. Surfum erige me  
per æternorum affectionem, copula tecum per  
amoris unitatem, conserva per finalē perse-  
verantiam; ut tuo ductu revolet anima mea ad  
te principium & finem suum, à quo nūquam  
separetur. Amen.

## §. XVIII.

*Oratio ad B. Virginem.*

**G**loriosissimā Mater Dei Virgo Maria, tota  
fiducia mea, & unicum solatium languen-  
tis animæ mee, precor te, ut mihi miserrimo  
peccatori assistere hāc horā digneris, quia pre-  
ciosissimum Filii tui Corpus & sanguinem æ-  
terno Patri oblatus sum, sicut amans & do-  
lens eidem Filio tuo in Cruce pendentem, & se  
pro nostra salute offerenti astitisti. Ne me despici-  
cas, Mater misericordiæ, ob intolerabilem pec-  
catorum meorum foeditatem; neque avertas fa-  
ciem tuam à me, quem Filius tuus tanto a-  
more dilexit, ut pro me mori dignatus sit. Ple-  
na es gratiarum, plena rore cælesti, innixa  
super dilectum tuum, deliciis affluens. Ciba  
ergo pauperem tuum de superefluenti mensa  
tua, tuarumque virtutum vestibus indue me,  
ut his ornatus divino conspectu gratus appa-  
ream. Memento illius charitatis, qua Ver-  
bum Dei ex te carnem assumpit, ut tu fieres  
Mater nostra. Aperi manum tuam, & imple  
me benedictionibus, quibus te Deus benedixit  
in æternum, ut te interveniente tremenda my-  
steria acceptabiliter perficere, & Sancta Sanctorum  
digne merear degustare.

## §. XIX.

*Oratio ad Sanctos Angelos.*

**S**ancti Angeli, purissimi spiritus, ministri  
Dei Altissimi, qui facitis voluntatem ejus  
& orantium preces in Cælum deferitis: Tuque  
præcipue fidelissime Custos meus, state mecum  
juxta Aram, in qua Deo Patri totius mundi  
premium oblatus sum, & in vestris thuribulis  
incensum orationum mearum suscipite, ut fu-  
mus aromatum hujus divini Sacrificii ascendas  
per manus vestras in conspectu Dei. Purgate,  
illuminate, perficite, & dirigate me, vestram  
quæ puritatem & innocentiam impetrare mihi,  
ut appaream coram Deo decenter ornatus.

Sancti Archangeli, Duces illustrissimi mili-  
tiae cælestis, instruite me, ut hæc sancta mysteria  
percipiám, fidemque vivam & efficacem hujus  
Sacramenti in me excitate.

Altissimi Principatus, terā pace internā ani-  
mam meam componite, ut in ea jugiter com-  
moretur Dominus, de quo scriptum est, *Ez-  
æctus est in pace locus ejus.*

Sanctissimæ Virtutes assistite mihi, ut pro-  
ficiens de virtute in virtutem Deum Deorum  
dignus sim oculo fidei cernere, manibus con-  
trahere, intus recipere, ac tandem in patria  
clarè vobiscum intueri.

Inviçtilissimæ Potestates dæmonum impetus  
cohibete, ne mihi appropinquent sacrificanti,  
ut sine impedimento digne merear Deo servire,  
& ministrare. Potentissimæ Dominationes ve-  
ram mihi & sanctam libertatem obtinet, ut  
nec peccato serviam, nec corporis mei appeti-  
tui, & sensibus subdar. Throni stabiles & sub-  
limes, sedes pulcherrimæ Dei, discam à vo-  
bis veram humilitatem & subjectionem, ut fiat  
anima mea gratissimum domicilium Deo, qui  
superbis resilit, & super humilem & quietum  
requiescit.

Clarissima & nobilissima cæli lumina Cheru-  
bitum, illustrate mentem meam plenitudine sci-  
entiae, ut summam utilitatem meam, hujusque  
sacrificii infinitam excellentiam agnoscam.

Supremi spiritus Seraphim, ardentissimi ama-  
tores Dei, solvite gelu cordis mei, & vestrum  
in eo ignem succendite, ut Deum vobiscum  
ardenter amem, atque utinam sicut vos.

## §. XX.